

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 70. sjednici, održanoj dana 07.03.2025. godine, d o n o s i

## ZAKLJUČAK

### I.

Prihvata se Mišljenje Ministarstva za pravosuđe i upravu Zeničko-dobojskog kantona, broj: 06/02-02-1478-2/25 od 05.02.2025. godine, dato na Prijedlog Deklaracije o podršci medijskim slobodama, predlagača Spahije Kozlića, poslanika u Skupštini Zeničko-dobojskog kantona.

### II.

Zaključak sa Mišljenjem iz tačke I. upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/25  
Datum, 07.03.2025. godine  
Zenica

**PREMIJER**

***Nezir Pivić***

DOSTAVLJENO:

1x Ministarstvo za pravosuđe i upravu,  
1x Stručna služba Skupštine,  
1x a/a.



Broj: 06/02-02-1478-2/25  
Zenica, 05.02.2025. godine

**ZENIČKO-DOBOJSKI KANTON**  
**URED PREMIJERA ZENIČKO-DOBOJSKOG KANTONA**  
**N/R PREMIJERA ZENIČKO-DOBOJSKOG KANTONA**

**STRUČNA SLUŽBA VLADE ZENIČKO-DOBOJSKOG KANTONA**  
**N/R SEKRETARA**

**PREDMET: Mišljenje o Prijedlogu Deklaracije o podršci medijskim slobodama, dostavlja se**

Stručna služba Vlade Zeničko-dobojskog kantona je svojim aktom broj: 02-1-02-1478-1-1/25 od 30.01.2025. godine Ministarstvu za pravosuđe i upravu Zeničko-dobojskog kantona dostavila Prijedlog Deklaracije o podršci medijskim slobodama, predlagača Spahije Kozlića, poslanika u Skupštini Zeničko-dobojskog kantona, radi davanja Mišljenja.

U vezi sa navedenim Prijedlogom Ministarstvo za pravosuđe i upravu Zeničko-dobojskog kantona se očituje kako slijedi:

Članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), njegovim stavom (2), definisano je da Ministarstvo obavlja poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona sa propisima o organizaciji organa uprave, propisima iz oblasti prekršaja, sa Europskom konvencijom o zaštiti ljudskih prava i osnovnih sloboda i drugim instrumentima zaštite ljudskih prava, koji imaju pravnu snagu ustavnih odredaba.

Članom 10. Evropske konvencije o zaštiti ljudskih prava i sloboda, čije odredbe kao instrumenti za zaštitu ljudskih prava i sloboda u Bosni i Hercegovini imaju pravnu snagu ustavnih odredaba, shodno Aneksu Ustava Federacije Bosne i Hercegovine ("Sl. novine FBiH", br. 1/94, 13/97, 16/02, 22/02, 52/02, 60/02, 18/03, 63/03, 9/04, 32/07 - ispr., 20/04, 33/04, 71/05, 72/05, 88/08, 79/22, 80/22 - ispr. i 31/23) propisano je da „Svako ima pravo na slobodu izražavanja. Ovo pravo uključuje slobodu posjedovanja sopstvenog mišljenja, primanja i saopštavanja informacija i ideja bez miješanja javne vlasti i bez obzira na granice. Ovaj član ne spriječava države da zahtijevaju dozvole za rad televizijskih, radio i bioskopskih preduzeća.“. Prema stavu 2. člana 10. Evropske konvencije propisao je da korištenje ovih sloboda povlači za sobom dužnosti i odgovornosti, ono se može podvrgnuti formalnostima, uslovima, ograničenjima ili kaznama propisanim zakonom i neophodnim u demokratskom društvu u interesu nacionalne bezbjednosti, teritorijalnog integriteta ili javne bezbjednosti, radi spriječavanja nereda ili kriminala, zaštite zdravlja ili morala, zaštite ugleda ili prava drugih, spriječavanja otkrivanja obavještenja dobijenih u povjerenju, ili radi očuvanja autoriteta i nepristrasnosti sudstva.

Dakle iz navedenih odredaba Evropske konvencije o zaštiti ljudskih prava i sloboda jasno su navedeni uslovi u kojima pravo primanja i saopštavanja informacija, koje se može posmatrati kao pravo koje obuhvata i medije, može biti ograničeno.

Članom 10. Ustava Zeničko-dobojskog kantona ("Sl. novine FBiH", br. 7/96 i "Sl. novine Zeničko-dobojskog kantona", br. 1/96, 10/00, 8/04, 10/04 - ispr. i 10/04) propisano je da u ostvarivanju svojih nadležnosti Zeničko-dobojski kanton poduzima sve potrebne mjere zaštite ljudskih prava i sloboda utvrđenih u članovima II A. 1. do 7. i predviđenih u instrumentima u Aneksu Ustava Federacije i djeluje u skladu sa Ustavom Federacije i ovim Ustavom

Imajući u vidu sve naprijed navedeno, Ministarstvo za pravosuđe i upravu, uvažavajući podneseni Prijedlog Deklaracije i razloge za podnošenje iste, shodno odredbama Evropske konvencije o zaštiti ljudskih prava i sloboda, Ustava Federacije Bosne i Hercegovine i Ustava Zeničko-dobojskog kantona, cijeni da je ista u ovom trenutku opravdana i prihvatljiva.

S poštovanjem,

**MINISTAR**

*Nebojša Nikolić*

**Dostaviti:**

1x Naslovu,

1x a/a.